



ԽԱՉԱՏՈՒՐ ՄՈՒԾԵՂՅԱՆ

ՄԱՅՐ ԱԹՈՒԻ ԴՐԱՄԱԳԻՏԱԿԱՆ ԺՈՂՈՎԱԾՈՒՆ

Հնագիտական բնույթի մեծարժեք նյութերի շարքում Մայր Աթոռի թանգարանում հավաքվել են ինչպես հին ու միջնադարյան, այնպես էլ նոր և նորագույն ժամանակների վերաբերող մետաղյա դրամներ: Դրանք իրենց պատկերագրության տվյալներով արժանի են հատուկ ուշադրության:

Ժողովածուի դրամներից ամենահինը վերաբերում է մ. թ. ա. Ե դարին, ամենանորը՝ մեր օրերին: Աշխարհագրական առումով այդ դրամները թողարկվել են Միջերկրականի, Եվրոպայի, Մերձավոր Արևելքի, ինչպես նաև Հյուսիսային և Հարավային Ամերիկայի երկրներում:

* Վեհափառ Հայրապետի գահակալության անցնող 21 տարիների ընթացքում, Նրա հոգածու մահաձեռնությանը և կարգադրությանը, Մայր Աթոռում ստացվել ու խնամքով պահվել են բազում ձեռագրեր, տարբեր բնագավառներին պատկանող հայ եկեղեցական արվեստի՝ նկարչության, քանդակագործության, ոսկերչության, գորգագործության և հնագիտական այլ նյութեր, որոնք ամբողջացնում են մեր ժողովրդի դարավոր նյութական մշակույթի հարուստ գանձարանը:

Հնագիտական մեծարժեք այդ գանձերի շարքում կարևոր տեղ են գրավում նաև Վեհափառ Հայրապետի գահակալության տարիներին Մայր Աթոռի թանգարանում հավաքված հին ու միջնադարյան, նոր ու նորագույն ժամանակներին վերաբերող հայ և օտար դրամների մուշները, որոնց մասնագիտական նկարագրությունն ու ցանկը սույն ուսումնասիրության մեջ ներկայացնում է Հայաստանի պատմության թանգարանի գիտական գծով փոխ-տնօրեն և դրամագիտության բաժնի վարիչ Ն. Ա. Մուշեղյանը:

ԽՄԲԱԳՐՈՒԹՅՈՒՆ

Հին շրջանի դրամները ներկայացնում են հունական քաղաքակրթության դասական և առավելապես հելլենիստական պատկերագրության բնորոշ օրինակները՝ դրվագված Հունաստանի և Փոքր Ասիայի վաճառաշահ քաղաքներում:

Հելլենիստական խմբի դրամների վրա հատկորեն պահպանվել են հեթանոսական դիցարանի գրեթե բոլոր նշանավոր կերպարները՝ նրանց պաշտամունքին բնորոշ նշաններով: Հավաքված են ոսկյա, արծաթյա, պղնձյա դրամական միավորներ. ստատերներ, տետրադրախմաններ, դիդրախմաններ, դրախմաններ և քաղկուններ՝ թողարկված ատտիկայան կշռային չափերի տվյալներով:

Հելլենիստական դրամների շարքում կան Ալեքսանդր Մակեդոնացու և Սելևկյան առանձին միապետների գահակալության տարիներին թողարկված դրամներ:

Նշանակալից խումբ են կազմում հռոմեական ծագում ունեցող դրամները՝ թողարկված ինչպես հանրապետության շրջանում, այնպես էլ կայսրության ժամանակներում: Հանրապետական դրամները մեծամասնությամբ արծաթյա «դենար» կոչված միավորներից են. Ռոմայի, Վիկտորիայի, Մարսի, Յուլիաների և առասպելական երկվորյակների պատկերներով ու լատիներեն արձանագրություններով՝ թողարկված մ. թ. ա. Բ և Ա դարերում:

Հռոմի կայսերական դրամները ներկայացնում են ոսկյա, արծաթյա և պղնձյա միավորներ, որոնց վրա, բացի դիցական իմաստի պատկերներից, պահպանվել են Օկտավիանոս, Ներոն, Դոմիցիանոս, Տրայանոս, Անտոնինոս Պիոս, Մարկոս Ավրե-

լիոս, Կոմմոդոս կայսրերի և նրանց հաջորդների դիմաքանդակները: Դրանք լայնորեն տարածված են եղել հռոմեական տիրակալության երկրներում:

Ուշագրավ են նաև կայսրության անկման շրջանին վերաբերող, այսպես կոչված, «ուշ հռոմեական» կամ «վաղ բյուզանդական» դրամները: Վերջիններս ներկայացնում են Դ և Ե դարերում թողարկված տարբեր դրամական միավորներ:

Եթե նկատի ունենանք, որ այսօրվա փիճակով կովկասյան թանգարանները հարուստ չեն ուշ շրջանի հռոմեական դրամներով, ապա Մայր Աթոռի ժողովածուն նշմարելի չափով գալիս է լրացնելու այդ բացը:

Նախաքրիստոնեական Հռոմի դարավոր փայտյան հանդիսացող Պարթևական թագավորությունը ներկայացված է Արշակունյաց տոհմի գահակալներ Միհրդատ, Որոդես, Սանատրուկ, Վարդան, Վաղարշ և այլոց դրամներով, որոնց վրա, արքայական պատկերներից բացի, պահպանվել են նրանց տիտղոսների հունարեն արձանագրությունները: Պարթևական արքայական դիմաքանդակներով և նրանց դրամների վրա դրոշմված հունարեն արձանագրություններով արտացոլված են իրանական և հունական առնչությունները հելլենիստական դարաշրջանին բնորոշ դրամների պատկերագրության մեջ:

Արշակունյաց արքաները դրամների վրա պատկերված են մորուքավոր դեմքերով, մի երևույթ, որը հազվադեպ էր բուն հունական աշխարհում: Դժբախտաբար հայոց Արտաշեսյան թագավորությունը ներկայացված է ընդամենը մեկ դրամայով, որը թողարկված է Տիգրան Մեծի գահակալության տարիներին, նրա «արքայից արքա» տիտղոսի հունարեն արձանագրությամբ:

Ժողովածուն իր մեջ պարունակում է նաև առանձին նմուշներ սասանյան դրամներից, որոնք թողարկված են Գ և Դ դարերում Ծապուհ և Ներսես արքաների պատկերներով: Կան նաև դրամներ, որոնք թողարկված են Իրանում Զ և Է դարերում Խոսրով Անուշիրվանի և Խոսրով Փարվեզի պատկերներով ու նրանց անունների պահպանման արձանագրություններով: Սասանյան այդ դրամները լայն տարածում են ունեցել հայկական քաղաքներում և ճանաչված ու ընդունված են եղել միջագային շուկայում:

Ժողովածուն օժտված է նաև ԺԱ դարին վերաբերող ոսկյա և պղնձյա բյուզանդական դրամներով: Վերջիններս վերաբերում են առավելապես Կոստանդինոս Դուկասի

և Ռոմանոս Դիոգենեսի գահակալության տարիներին:

Քրիստոնեական պատկերագրության այդ դրամները հազվագյուտ նմուշներ չեն: Դրանցից բազմաթիվ օրինակներ պահվում են աշխարհի բոլոր խոշոր թանգարաններում:

Պատմության արաբական ժամանակներին են վերաբերում ժողովածուի օմայան և աբբասյան դրամները՝ թողարկված Ը և Ժ դարերում Սիրիայի և Իրաքի վաճառաձախ քաղաքներում, մասնավորապես Դամասկոսում, Վախտում և Բաղդադում:

Հայաստանի պատմության համար ուշագրավ են նաև ժողովածուի արաբական պղնձյա դրամների այն նմուշները, որոնց դրվագումը կատարվել է հայոց Դվին և Պարտավ քաղաքներում: Քանակապես շատ չնչին չափով ժողովածուում կան նաև սելջուկյան ու մոնղոլական դրամներ: Մելջուկյան դրամներից պահպանվել են Իլդեզիզյան աթաբեկների դրամները, որոնք ԺԲ և ԺԳ դարերում շրջանառություն ունեին Անդրկովկասի քաղաքներում: Դրանք բացառապես պղնձյա դրամներ են և այդ ժամանակներում ունեցել են վարկային նշանակություն՝ արծաթին փոխարինելու համար:

Մոնղոլական դրամների շարքից արժեքավոր են քրիստոնեական հավատի տեսակետից արաբերեն արձանագրություններով և խաչի նշանով թողարկված դրամները, որոնց դրվագումը կատարվել է ԺԳ դարի 80-ական թվականներին Հուլադույանների տիրակալության այն քաղաքներում, ուր բնակչությունը քրիստոնյա է եղել:

Ժողովածուի պարունակության ամենասովոր խումբը կազմում են Կիլիկիայի հայկական դրամները, որոնք ներկայացնում են Կիլիկիայի հայոց թագավորության գրեթե բոլոր գահակալների դրամական միավորները՝ իրենց պատկերագրության մանրամասնություններով: Կիլիկյան դրամների այս հարուստ շարքը Մայր Աթոռին նվիրել է դրամագետ ամերիկահայ Զարեհ Պտուկյանը: Ընդհանրապես Կիլիկիայի հայկական դրամների ժողովածուները պահվում են Մխիթարյան թանգարաններում: Սակայն Եվրոպայի, Ամերիկայի, Մերձավոր Արևելքի շատ խոշոր թանգարաններ չեն կարող ներկայացնել մեարդապատառ դրամների այն բովանդակությունը, որն այսօր ունի Մայր Աթոռի թանգարանը:

Ժողովածուի կիլիկյան դրամների նըշանակալից մասը վերաբերում է ԺԳ դարին: Քանակապես այդ հարաբերակցությունը

պատահականություն չէ, այլ օրինաչափական արտացոլումն է գոյություն ունեցող վիճակի:

Կիլիկիայի հայկական թագավորությունն իր գոյության սկզբնական շրջանում դրամներ է թողարկել ավելի շատ, քան վերջին շրջանում: Լեոն Ռուբենյանի գահակալության տարիներին թողարկված դրամները շրջանառության մեջ են եղել ոչ միայն ԺԳ դարի սկզբին, այլև այդ դարի վերջին և ԺԴ դարի սկզբին:

Ժողովածուն հարուստ է նաև Իրանի սեֆյան, կաջարյան և աֆշարյան շահերի անուններով թողարկված արծաթյա ու պղնձյա դրամներով: Դրանց հետ միասին կան նաև Երևանում թողարկված ԺԷ և ԺԸ դարերում պղնձյա դրամներից առանձին նմուշներ: ԺԷ դարի հայ-վրացական հարաբերությունների համար ուշագրավ են պարսկերեն արձանագրություններով Թբիլիսիում թողարկված արծաթյա ու պղնձյա դրամները: Վրացական դրամների շարքում կան նաև արծաթ դրամներ՝ վրացերեն արձանագրություններով, դրվագված արդեն ռուսական տիրապետության ժամանակներում:

Ժողովածուի ուշ միջնադարյան դրամների շարքում կան ինչպես օսմանյան, այնպես էլ ռուսական կայսրությունների դրամական միավորներից առանձին նմուշներ: Քանակապես դրանք շատ չեն, սակայն ներկայացնում են ԺԸ և ԺԹ դարերում Հայաստանում և հարևան երկրներում տարածված մետաղյա դրամների ամենաբնորոշ օրինակները: Ուշագրավ են նաև արևմտաեվրոպական և ամերիկյան երկրների դրամները, որոնք վերաբերում են ինչպես միջնադարին, այնպես էլ նոր և նորագույն ժամանակներին:

Այսպիսով, Մայր Աթոռի դրամագիտական ժողովածուն իր պարունակության հիմնական տվյալներով արտացոլում է մի կողմից Հայաստանի քաղաքական պատմության գլխավոր շրջանները, մյուս կողմից՝ Մայր Աթոռի միջազգային կապերը հայկական գաղութների հետ:

Առաջիկայում ժողովածուի հարստացումը հնարավորություն կընձեռնի դրամագիտական տվյալների հիման վրա դատելու պատմության, ժամանակագրության, արվեստի, առանձին թագավորական տոհմերի ծագումնաբանության և շատ այլ պատմական հարցերի մասին:

Ստորև ներկայացնում ենք ժողովածուի բնութագրի դրամների դասակարգված ցուցակը ժամանակագրական կարգով:

ԴԱՍԱԿԱՆ ԵՎ ՀԵԼԼԵՆԻՍՏԱԿԱՆ ԴՐԱՄՆԵՐ

Ո ս կ ի

1. Ստատեր. Լիսիմաքոսի և Աթենասի պատկերներով, թողարկված մ. թ. ա. 321—280 թթ.:
2. Ստատեր. Պերսես թագավորի և արծվի պատկերներով, միապետի անվան հունարեն արձանագրությամբ, թողարկված Մակեդոնիայում մ. թ. ա. 178—168 թթ.:

Ա թ ա թ

3. Ստատեր. տղամարդու և կնոջ պատկերներով, թողարկված Մակեդոնիայում մ. թ. ա. 480 թ.:
4. Տետրադրախմա. Հերմեսի և այծյամի պատկերներով, թողարկված Թրակիայում, մ. թ. ա. 450—400 թթ.:
5. Դիդրախմա. Աթենասի և ցուլի պատկերներով, թողարկված Լուկիանիայում, մ. թ. ա. 400—350 թթ.:
6. Ստատեր. արծվի և առյուծի պատկերներով, թողարկված Պելոպոնեսում, մ. թ. ա. 400—323 թթ.:
7. Ստատեր. արամերեն գրերով Բահադի, առյուծի և եղնիկի պատկերներով, թողարկված Կիլիկիայում (Տարսոն) մ. թ. ա. 361—333 թթ.:
8. Ստատեր. արամերեն գրերով, քայլող առյուծի և գահին բազմած Բահադի պատկերներով, թողարկված Կիլիկիայում Մազայոսի իշխանության տարիներին, մ. թ. ա. 361—333 թթ.:
9. Ստատեր. Աթենասի և բուի պատկերներով, թողարկված Կիլիկիայի Տարսոն քաղաքում մ. թ. ա. 361—333 թթ.:
10. Տետրադրախմա. Ալեքսանդր Մակեդոնացու և Ջևսի պատկերներով, միապետի անվան հունարեն արձանագրությամբ, թողարկված մ. թ. ա. 336—323 թթ.:
- 11—13. Տետրադրախմա. նույն պատկերագրությամբ, ինչպես նախորդը, բայց դրվագված տարբեր փորագրության կնիքներով, 3 հատ:
- 14—Դրախմա. Ալեքսանդր Մակեդոնացու և Ջևսի պատկերներով, միապետի անվան հունարեն արձանագրությամբ և արևի պաշտամունքի նշաններով, թողարկված մ. թ. ա. 336—323 թթ.:
- 15—19. Դրախմա. պատկերագրության նույն տվյալներով, ինչպես նախորդը, բայց դրվագված տարբեր կնիքներով, 5 հատ:
20. Տետրադրախմա. Ալ. Մակեդոնացու և

- Զևսի պատկերներով, միապետի անվան հունարեն արձանագրությամբ, թողարկված Եգիպտոսում մ. թ. ա. 334—300 թթ.:
21. Դրախտա. Զևսի պատկերով և Ախեյան լիգայի նշանով, թողարկված մ. թ. ա. Գ—Բ դարերում:
22. Տետրադրախտա. Պերսես թագավորի և արծվի պատկերներով, միապետի անվան հունարեն գրությամբ, թողարկված Մակեդոնիայում մ. թ. ա. 178—168 թթ.:
23. Տետրադրախտա. Դիանայի պատկերով, Հերակլեսի պաշտամունքային նշանով և հունարեն արձանագրությամբ, թողարկված Մակեդոնիայում մ. թ. ա. 158—149 թթ.:
24. Տետրադրախտա. դիցական իմաստի պատկերներով և հունարեն արձանագրությամբ, թողարկված Թրակիայում մ. թ. ա. 148 թ.:
25. Տետրադրախտա. նույն պատկերագրությամբ, ինչպես նախորդը, բայց թողարկված Մակեդոնիայում մ. թ. ա. Բ դարում:

Պ Ղ Ի Ն Ճ

26. Քաղկոս. Լիսիմաքոսի և Աթենասի պատկերներով: Ուշ ժամանակների ընդօրինակություն:

ՍԵԼԵՎԿՅԱՆ ԴՐԱՄՆԵՐ

Ա Ր Ծ Ա Ք

27. Տետրադրախտա. Ալեքսանդր Բալասի և Զևսի պատկերներով, միապետի անվան ու տիտղոսների հունարեն արձանագրությամբ, թողարկված Սիրիայում մ. թ. ա. 150—145 թթ.:
28. Տետրադրախտա. Տրիփոնի և միապետի անվան հունարեն արձանագրությամբ, թողարկված Սիրիայում մ. թ. ա. 142—139 թթ.:
29. Տետրադրախտա. Փիլիպոս Փիլադելփոսի և Զևսի պատկերներով, միապետի անվան և տիտղոսների հունարեն արձանագրությամբ, թողարկված Անտիոքում մ. թ. ա. 92—83 թթ.:
30. Տետրադրախտա. Զիու և խոզի պատկերներով, հունարեն Տրիոն գրությամբ, թողարկված մ. թ. ա. Բ—Ա դարերում:

Պ Ղ Ի Ն Ճ

31. Քաղկոս. Դեմետրիոս Սոտերի և առատության դիցուհու պատկերներով, միապետի անվան հունարեն արձանագրությամբ, թողարկված Սիրիայում մ. թ. ա. 162—150 թթ.:

32. Քաղկոս. Անտիոքոս Գրիպոս և Զևսի պատկերներով, միապետի անվան ու տիտղոսների հունարեն արձանագրությամբ, թողարկված Սիրիայում մ. թ. ա. 126—96 թթ.:

ՀՌՈՄԵԱԿԱՆ ԴՐԱՄՆԵՐ

ՀԱՆՐԱՊԵՏԱԿԱՆ ՇՐՋԱՆ

Ա Ր Ծ Ա Ք

33. Դեմար. Ռոմայի և առասպելական երկվորյակների պատկերներով Մարկոս Ատիլիոս Սարանոսի անվան լատիներեն արձանագրությամբ, թողարկված Հռոմում մ. թ. ա. 145—138 թթ.:
34. Դեմար. դիցուհի Ռոմայի, առասպելական երկվորյակների (ձիավոր) պատկերներով Գայոս Յունիոսի անվան լատինատառ արձանագրությամբ, թողարկված մ. թ. ա. 145—138 թթ.:
35. Դեմար. դիցուհի Ռոմայի և հաղթության երկձի մարտակառքի պատկերներով, Պ. Կոռնելիոս Սուլլայի անվան լատինատառ արձանագրությամբ, թողարկված Հռոմում մ. թ. ա. 145—138 թթ.:
36. Դեմար. Ռոմայի և Մարսի քառաձի մարտակառքի պատկերներով, Լուցիոս Տրեբանուսի անվան լատինատառ արձանագրությամբ, թողարկված Հռոմում մ. թ. ա. 133—126 թթ.:
37. Դեմար. Ռոմայի և առասպելական երկվորյակների (ձիավոր) պատկերներով, Լուցիոս Յունիոսի անվան գրությամբ, թողարկված Հռոմում մ. թ. ա. 133—126 թթ.:
38. Դեմար. Ռոմայի և հաղթանակի (քառաձի մարտակառք) պատկերներով, ինչպես նաև Լուցիոս Օպեիմիոսի անվան լատինատառ արձանագրությամբ, թողարկված Հռոմում մ. թ. ա. 125—120 թթ.:
39. Դեմար. Ռոմայի, ձիավոր ռազմիկի, պարտված թշնամու և պատկերներ Վիկտորիայի պատկերներով, ինչպես նաև Գայոս Սերվիլիոսի անվան լատիներեն գրությամբ, թողարկված Հռոմում մ. թ. ա. 125—120 թթ.:
40. Դեմար. Ռոմայի և Յուպիտերի չորս ձիերով լծված արշավող մարտակառքի պատկերներով, ինչպես նաև Բ. Ծաբիոսի անվան լատիներեն գրությամբ, թողարկված Հռոմում մ. թ. ա. 109 թ.:
41. Դեմար. պատանի Յուպիտերի և երեք ձիերով լծված մարտակառքը վարող Մարսի պատկերներով, ինչպես նաև Գայոս Լիկինիոս Մակերի անվան



Զևսի պատկերը Ալեքսանդր Մակեդոնացու արծաթ դրամի վրա (Մ. թ. ա. Դ դար)



Աթենասի պատկերը արծաթ դրամի վրա (Մ. թ. ա. Դ դար)



Թրակիայի միապետ Լիսիմաքոսի դիմաքանդակը և ուսգմի դիցունի Աթենասի պատկերը ոսկյա դրամի վրա (Մ. թ. ա. Դ—Գ դարեր)

- լատիներեն համառոտագրությամբ, թողարկված Հոռմում մ. թ. ա. 83 թ.:
42. Անանուն դեմար, երկդեմ Յանուսի, հաղթության կոթողի և Աթենասի պատկերներով, թողարկված մ. թ. ա. Ա դարում:

ԿԱՅՍՐՈՒԹՅԱՆ ԵՐԶԱՆ

Ո ս կ ի

43. Աուրենու. Տիբերիոս կայսեր և Ռոմայի պատկերներով, թողարկված Հոռմում 14—37 թթ.:
44. Աուրենու. Տիբերիոս կայսեր և դիցուհու պատկերներով, թողարկված Հոռմում 14—37 թթ.:
45. Աուրենու. Տիբերիոս կայսեր և Վիկտորիայի պատկերներով, թողարկված Հոռմում 14—37 թթ.:
- 46—47. Աուրենու. Ներոն կայսեր և Յուպիտերի պատկերներով, թողարկված Հոռմում 54—68 թթ., տարբեր կնիքներով դրվագված, 2 հատ:

Ա թ ծ ա թ

48. Դենար. Օգոստոս Օկտավիանոսի և Գրա որդեգիրներ Գայուսի և Լուցիուսի պատկերներով, թողարկված մ. թ. ա. 2—մ. թ. 11 թ.:
- 49—53. Դենար. Օգոստոս Օկտավիանոսի և Գրա որդեգիրներ Գայուսի և Լուցիուսի պատկերներով, լատինատառ արձանագրությամբ, մանրամասնությամբ, ինչպես նախորդը, բայց դրվագված տարբեր կնիքներով, 5 հատ:
54. Դենար. Ներոն կայսեր և Մարսի պատկերներով, թողարկված Հոռմում 64—68 թթ.:
55. Դենար. Դոմիցիանոս կայսեր և Ռոմայի պատկերներով, թողարկված 81—96 թթ.:
56. Դենար. Տրայանոս կայսեր և Վիկտորիայի պատկերներով, թողարկված 98—117 թթ.:
57. Դենար. Տրայանոս կայսեր և Առաքելության դիցուհու պատկերներով, թողարկված 98—117 թթ.:
58. Դենար. Տրայանոս կայսեր և պակսաբեր Վիկտորիայի պատկերներով, թողարկված Հոռմում 98—117 թթ.:
59. Դենար. Տրայանոս կայսեր և պակսաբեր Վիկտորիայի պատկերներով, թողարկված Հոռմում 98—117 թթ.:
60. Դենար. Տրայանոս կայսեր և Գրա ձիավոր պատկերներով, թողարկված Հոռմում նույն տարեթվերին:
61. Դենար. Ադրիանոս կայսեր և դիցուհու պատկերներով, թողարկված Հոռմում 117—138 թթ.:

62. Դենար. Անտոնինոս Պիոս կայսեր և առաքելության դիցուհու պատկերներով, թողարկված Հոռմում 138—161 թթ.:
63. Դենար. Անտոնինոս Պիոս կայսեր կիսադեմ և ողջ հասակով կապգնած պատկերներով, թողարկված Հոռմում 138—161 թթ.:
64. Դենար. Անտոնինոս Պիոս կայսեր և Վիկտորիայի պատկերներով, թողարկված Հոռմում 138—161 թթ.:
65. Դենար. Անտոնինոս Պիոս կայսեր և ծաղկունքի դիցուհու պատկերներով, թողարկված նույն տարեթվերին:
66. Դենար. Անտոնինոս Պիոս կայսեր և պտղաբերության դիցուհու պատկերներով, թողարկված 138—161 թթ.:
67. Դենար. Անտոնինոս Պիոս կայսեր և արդարադատության դիցուհու պատկերներով, թողարկված Հոռմում 138—161 թթ.:
68. Դենար. Անտոնինոս Պիոս կայսեր և հռոմեական արծվի պատկերներով, թողարկված Հոռմում 138—161 թթ.:
69. Դենար. Ֆաուստինա ավագ կայսրուհու և պտղաբերության դիցուհու պատկերներով, թողարկված Հոռմում:
70. Դենար. Մարկոս Ավրելիոս կայսեր և ռազմի աստված Մարսի պատկերներով, թողարկված Հոռմում 161—180 թթ.:
71. Դենար. Մարկոս Ավրելիոս կայսեր և առաքելության դիցուհու պատկերներով, թողարկված Հոռմում 161—180 թթ.:
72. Դենար. Մարկոս Ավրելիոս կայսեր և հաղթաբեր Մարսի պատկերներով, թողարկված Հոռմում 161—180 թթ.:
73. Դենար. Ֆաուստինա կրտսեր կայսրուհու և դիցուհի Ռոմայի պատկերներով, թողարկված Հոռմում 146—175 թթ.:
74. Դենար. Ֆաուստինա կրտսեր կայսրուհու, դիցուհու և պարտված թշնամու (ծնկաչոք) պատկերներով:
75. Դենար. Ֆաուստինա կրտսեր կայսրուհու և հաղթության կոթողի պատկերներով:
76. Դենար. Ֆաուստինա կրտսեր կայսրուհու և հաղթության կոթողի պատկերներով, թողարկված Հոռմում 146—175 թթ.:
77. Դենար. Սեպտիմոս Սևերոս կայսեր և թևավոր հաղթանակի պատկերներով, թողարկված Հոռմում 193—211 թթ.:
78. Դենար. թողարկված Սեպտիմոս Սեվերոս կայսեր և առաքելության դիցուհու պատկերներով, թողարկված 193—211 թթ.:
79. Դենար. Յուլիա Դոմնա կայսրուհու և

- դիցուհու պատկերներով, թողարկված Հոռնում 193—211 թթ.:
80. Դենար. Լուցիլլա կայսրուհու և պսակի պատկերներով, լատիներեն արձանագրությամբ, թողարկված Հոռնում 182 թ.:
81. Դենար. Պերտինաքս կայսեր և թևավոր Վիկտորիայի պատկերներով, թողարկված Հոռնում 193 թ.:
82. Դենար. Կոմոդոս կայսեր և թևավոր Վիկտորիայի պատկերներով, թողարկված Հոռնում 177—192 թթ.:
83. Դենար. Կոմոդոս կայսեր և Ռոմայի պատկերներով, թողարկված Հոռնում 177—192 թթ.:
84. Դենար. Կոմոդոս կայսեր և առատության դիցուհու պատկերներով, թողարկված նույն թվականներին:
85. Դենար. Յուլիա Դոմնայի կիսադեմ և ողջ հասակով կանգնած պատկերներով, թողարկված Հոռնում 193—211 թթ.:
86. Դենար. Յուլիա Դոմնայի և Պիեռասի պատկերներով, թողարկված Հոռնում 193—211 թթ.:
87. Դենար. Գետայի, նրա գահաժառանգի և կայսրուհու պատկերներով, թողարկված Հոռնում 209—212 թթ.:
88. Դենար. Գորդիանոս Գ կայսեր և Ֆլորա դիցուհու պատկերներով, թողարկված Հոռնում 238—244 թթ.:
89. Անտոնինիան. Ավրելիանոս կայսեր և նրա կնոջ պատկերներով, թողարկված Հոռնում 270—275 թթ.:
90. Անտոնինիան. Ավրելիանոս կայսեր և հաղթության դիցուհու պատկերներով, թողարկված Հոռնում 270—275 թթ.:
91. Անտոնինիան. Ավրելիանոս կայսեր և նրա պսակադրության պատկերներով, թողարկված նույն թվականներին:
92. Անտոնինիան. Ավրելիանոս կայսեր և պսակադիր դիցուհու պատկերներով, թողարկված Հոռնում նույն թվականներին:
93. Անտոնինիան. Ավրելիանոս կայսեր և Հելիոսի պատկերներով, թողարկված Հոռնում նույն թվականներին:
94. Անտոնինիան. Կարինոս կայսեր և Ռոմայի պատկերներով, թողարկված Հոռնում 283—285 թթ.:
95. Անտոնինիան. Կարաուսիոս կայսեր և առատության դիցուհու պատկերներով, թողարկված Հոռնում 287—293 թթ.:
- 96—97. Անտոնինիան. Կարաուսիոս կայսեր, դիցուհի Ռոմայի և երկվորյակներին սնող գայլի պատկերներով, թողարկված Հոռնում 287—293 թթ.,
- 2 հատ, տարբեր կնիքներով դրվագված:
98. Անտոնինիան. Դիոկլետիանոս կայսեր, ռազմի աստված Մարսի և հաղթության կոթողի պատկերներով:
99. Անտոնինիան. Դիոկլետիանոս կայսեր և Վիկտորիա դիցուհու պատկերներով, թողարկված Հոռնում 284—305 թթ.:
100. Անտոնինիան. Գալերիոս կայսեր և Մարսի պատկերներով, թողարկված Հոռնում 305—311 թթ.:
101. Անտոնինիան. Մաքսիմիանոս կայսեր և պսակաբեր Վիկտորիայի պատկերներով, թողարկված Հոռնում 286—310 թթ.:

Պ ղ ի ն ձ

102. Ֆոլիս. Կոստանտինոս կայսեր և Վիկտորիայի պատկերներով, թողարկված Հոռնում 305—306 թթ.:
103. Ֆոլիս. Սներոս Երկրորդ կայսեր, Մարսի և Վիկտորիայի պատկերներով, թողարկված Հոռնում 306—307 թթ.:
104. Ֆոլիս. Գալերիոս կայսեր, Վիկտորիայի և հաղթության կոթողի պատկերներով, թողարկված Հոռնում 205—211 թթ.:
- 105—106. Կես ֆոլիս. Կոնստանտինոս Առաջին կայսեր և գույգ Վիկտորիաների պատկերներով, թողարկված Հոռնում 307—337 թթ.:
107. Կես ֆոլիս. Կոնստանտինոս Առաջին կայսեր և քառաձի մարտակառքի պատկերներով, թողարկված Հոռնում 307—337 թթ.:
108. Կես ֆոլիս. Կոնստանտինոս Առաջին (մեծ) կայսեր և մարտակառքի պատկերներով, թողարկված Հոռնում նույն թվականներին:
109. Ֆոլիս. Կոնստանտինոս Առաջին կայսեր և գոտեմարտող երկու ռազմիկների պատկերներով, թողարկված Հոռնում նույն թվականներին:
110. Կես ֆոլիս. Կոնստանտինոս Առաջին և երկու միգակալոր ռազմիկների պատկերներով, թողարկված նույն թվականներին:
111. Կես ֆոլիս. Կոնստանտինոս Առաջին (մեծ) կայսեր, երկու միգակալոր ռազմիկների և նրանց միջև Հոռնեական դրոշի պատկերներով, թողարկված նույն թվականներին:
112. Կես ֆոլիս. Կոնստանտինոս Առաջին (մեծ) կայսեր կիսադեմ և ամբողջական պատկերներով, թողարկված նույն թվականներին:
113. Կես ֆոլիս. Կոնստանտինոս Առաջին



Մակեդոնիայի թագավոր Պերսեսի դիմաքանդակը
 նրա արծվազարդ ոսկյա դրամի վրա
 (Մ. թ. ա. Բ դար)



Սելևկյան Ալեքսանդր Բալասի դիմաքանդակը
 արծաթ դրամի վրա (Մ. թ. ա. Բ դար)

Հայոց Տիգրան թագավորի դիմաքանդակը
 ոսկյա դրամի վրա

- (մեծ) կայսեր և զինված հեծյալների պատկերներով, թողարկված մույն թղթականներին:
114. Կես ֆոլիա. Կոնստանտինոս Առաջին (մեծ) կայսեր կիսադեմ և ողջ հասակով կանգնած պատկերներով, թողարկված մույն թղթականներին:
115. Կես ֆոլիա. Կոնստանտինոս Առաջին (մեծ) կայսեր և երկու ռազմիկների պատկերներով, թողարկված մույն թղթականներին:
116. Կես ֆոլիա. Կոնստանտինոս Առաջին (մեծ) կայսեր և ռազմիկի պատկերներով, թողարկված մույն թղթականներին:
117. Ֆոլիա. Լուիցիոս Առաջին կայսեր և ռազմի աստված Մարսի պատկերներով, թողարկված 308—324 թթ.:
118. Կես ֆոլիա. Լուիցիոս Առաջին կայսեր և Հելիոսի պատկերներով, թողարկված մույն թղթականներին:
119. Ֆոլիա. Լուիցիոս Առաջին կայսեր կիսադեմ և ողջ հասակով կանգնած, պատկերներով, թողարկված մույն թղթականներին:
120. Կես ֆոլիա. Լուիցիոս Առաջին կայսեր և ամրոցի պատկերներով, թողարկված մույն թղթականներին:
121. Կես ֆոլիա. Կրիսպոս կայսեր կիսադեմ և ողջ հասակով կանգնած պատկերներով, թողարկված 317—326 թթ.:
122. Կես ֆոլիա. Կոնստանտին կայսեր և Վիկտորիայի պատկերներով, թողարկված 337—350 թթ.:
123. Կես ֆոլիա. Կոնստանտին կայսեր պատկերով և լատիներեն արձանագրությամբ, թողարկված 337—350 թթ.:
124. Կես ֆոլիա. Կոնստանտինոս Երկրորդ կայսեր կիսադեմ և ողջ հասակով կանգնած պատկերներով, թողարկված 337—361 թթ.:
125. Կես ֆոլիա. Կոնստանտինոս Երկրորդ կայսեր և Վիկտորիայի պատկերներով, թողարկված 337—361 թթ.:
126. Կես ֆոլիա. Կոնստանտինոս Երկրորդ կայսեր և միգակ կրող զույգ ռազմիկների պատկերներով, թողարկված մույն թղթականներին:
127. Կես ֆոլիա. Կոնստանտինոս Երկրորդ և կայսրության դրոշմ պահող զինվորների պատկերներով:
128. Ֆոլիա. Կոնստանտինոս Երկրորդ կայսեր պատկերներով, թողարկված մույն թղթականներին:
129. Կես ֆոլիա. Կոնստանտինոս Երկրորդ կայսեր, միգակ կրող զույգ ռազմիկների և հնգաթև աստղի պատկերներով, թողարկված մույն թղթականներին:
130. Կես ֆոլիա. Յուլիանոս Երկրորդ կայսեր և Վիկտորիայի պատկերներով, թողարկված 360—363 թթ.:
131. Ֆոլիա. Յուլիանոս Երկրորդ կայսեր և ոսկե ցիկի պատկերներով, թողարկված 360—363 թթ.:
132. Կես ֆոլիա. Պրոկոպիոս կայսեր պատկերով և պսակավոր շրջանակով, լատիներեն արձանագրությամբ, թողարկված 365—366 թթ.:
133. Կես ֆոլիա. Պրոկոպիոս կայսեր պատկերով և ջնջված արձանագրությամբ:
134. Ֆոլիա. Արկադիոս կայսեր կիսադեմ և ռազմի տարագով կանգնած պատկերներով, թողարկված 383—408 թթ.:
135. Մեստերս. մաշված պատկերով և հունատառ արձանագրությամբ, թողարկված Սիրիայում Գ դարում:
136. Մեստերս. Հռոմի կայսեր և Անտիոքի քաղաքամոր մաշված պատկերներով, թողարկված Սիրիայում Գ դարում:
137. Կես ֆոլիա. Անաստասիոս կայսեր և Վիկտորիայի պատկերներով, թողարկված 491—518 թթ.:

ՊԱՐԹԵՎԱԿԱՆ ԴՐԱՄՆԵՐ

Ա Ր Ծ ա թ

138. Դրախմա. Միհրդատ Երկրորդ պարթևաց արքայի կիսադեմ պատկերով և հունարեն արձանագրությամբ, թողարկված Իրանում մ. թ. ա. 123—88 թթ.:
139. Դրախմա. Միհրդատ Երկրորդի կիսադեմ պատկերով (դեպի ձախ) և մաշված հունատառ արձանագրությամբ, թողարկված մ. թ. ա. 123—88 թթ.:
- 140—141. Դրախմա. Որոդես Առաջին պարթևաց արքայի կիսադեմ պատկերով և մրա տիտղոսների հունարեն արձանագրությամբ, թողարկված Իրանում մ. թ. ա. 80—77 թթ., երկու տարբեր կնիքներով դրվագված օրինակներ:
142. Դրախմա. Սանատրուկ արքայի պատկերով և մրա տիտղոսների հունարեն արձանագրությամբ, թողարկված Իրանում մ. թ. ա. 77—70 թթ.:
- 143—144. Դրախմա. Հրահատ Երրորդի կիսադեմ պատկերով (դեպի ձախ) և մրա տիտղոսների հունարեն արձանագրությամբ, թողարկված Իրանում մ. թ. ա. 70—57 թթ.:
- 145—149. Դրախմա. Որոդես Երկրորդ

պարթևաց արքայի կիսադեմ պատկերով և նրա տիտղոսների հունարեն արձանագրությամբ, թողարկված Իրանում մ. թ. ա. 57—38 թթ., հինգ զույգ տարբեր կմիքներով դրվագված օրինակներ:

- 150—151. Դրախմա. Արտաքան Երկրորդ պարթևաց արքայի կիսադեմ պատկերով և նրա տիտղոսների հունարեն արձանագրությամբ, թողարկված Իրանում 10—38 թթ.:
152. Դրախմա. Վարդան Առաջին պարթևաց արքայի կիսադեմ պատկերով և նրա անվան հունարեն արձանագրությամբ, թողարկված Իրանում 40—45 թթ.:
153. Դրախմա. Գողարզ Երկրորդ պարթևաց արքայի պատկերով և նրա տիտղոսների հունարեն արձանագրությամբ, թողարկված Իրանում 40—51 թթ.:
154. Դրախմա. Ոնոն Երկրորդ պարթևաց արքայի հանդիպահայաց պատկերով և նրա տիտղոսների հունարեն արձանագրությամբ, թողարկված մ. թ. ա. 51 թ.:
- 155—156. Դրախմա. Վաղարշ Երրորդ պարթևաց արքայի պատկերով և նրա տիտղոսների հունարեն արձանագրությամբ, թողարկված Իրանում 105—147 թթ., երկու հատ տարբեր փորագրության կմիքներով դրվագված:
157. Դրախմա. Վաղարշ Զորրորդ պարթևաց արքայի պատկերով և նրա տիտղոսների հունարեն արձանագրությամբ, թողարկված Իրանում 148—191 թթ.:
158. Դրախմա. Օսրոն Երկրորդ պարթևաց արքայի պատկերով և նրա տիտղոսների հունարեն արձանագրությամբ, թողարկված Իրանում 190 թ.:

ԱՐՏԱՇԵՍՅԱՆ ԴՐԱՄՆԵՐ

Ոսկի

159. Դահեկան. Տիգրան Մեծ հայոց արքայի և Անտիոքի քաղաքամայր դիցուհու պատկերներով, ինչպես նաև միապետի անվան ու տիտղոսների հունարեն արձանագրությամբ, թողարկված Սիրիայում մ. թ. ա. 95—55 թթ., ընդօրինակություն:

Արծաթ

160. Դրախմա. հայոց արքա Տիգրան Մեծի և քաղաքամայր դիցուհու պատկերներով, ինչպես նաև միապետի «ար-

քայից արքա» տիտղոսի հունարեն արձանագրությամբ, թողարկված Հալաստանում (Տիգրանակերտ) մ. թ. ա. 95—55 թթ.:

ՍԱՍԱՆՅԱՆ ԴՐԱՄՆԵՐ

Արծաթ

161. Դրախմա. Ծապուհ Առաջին արքայի և ատրուշանի պատկերներով, ինչպես նաև պահլավերեն արձանագրությամբ, թողարկված Իրանում 241—272 թթ.։ Տարբեր կմիքներով դրվագված երկու հատ:
- 162—163. Դրախմա. Ներսես արքայի և ատրուշանի պատկերներով, նրանց շուրջ պահլավերեն արձանագրությամբ, թողարկված Իրանում 293—303 թթ.։
- 164—168. Դրախմա. Ծապուհ Երկրորդ արքայի, զրադաշտական ատրուշանի և վերջինիս կողքին կանգնած զինված քուրմերի պատկերներով, ինչպես նաև պահլավերեն արձանագրությամբ, թողարկված Իրանում 310—379 թթ.։ Հինգ հատ, դրվագված տարբեր կմիքներով:
169. Դրախմա. Փերոզ արքայի և զրադաշտական ատրուշանի պատկերներով, պահլավերեն արձանագրությամբ, թողարկված Իրանում 457—484 թթ.։
170. Դրախմա. Կավադ արքայի և ատրուշանի պատկերներով, պահլավերեն արձանագրություններով, թողարկված Իրանում 497 թ.։
171. Դրախմա. Խոսրով Անուշիրվանի և ատրուշանի պատկերներով, արքայի անվան պահլավերեն արձանագրությամբ, թողարկված Նախճավանում միապետի զահակալության 46-րդ տարում, այսինքն 577 թ.։
172. Դրախմա. նույն պատկերագրությամբ, բայց թողարկված Իրանում Խոսրով Անուշիրվանի զահակալության 31-րդ տարում, այսինքն մ. թ. 562 թ.։
173. Դրախմա. Որմիզդ Զորրորդի և ատրուշանի պատկերներով, միապետի անվան պահլավերեն արձանագրությամբ, թողարկված Իրանում մ. թ. 580 թ.։
174. Դրախմա. Որմիզդ Զորրորդի և ատրուշանի պատկերներով, պահլավերեն արձանագրությամբ, թողարկված Իրանում 579—591 թթ.։
175. Դրախմա. Խոսրով Փարվեզի և ատրուշանի պատկերներով, թողարկված Նախճավանում արքայի զահակալության



Հոռմի կալսք Տիբերիոսի և դաւոնմ
պատկերները ոսկա դրամի վրա (Ա դարի սկիզբ)



Հոռմի կալսք Ներոնի և Յուպիտերի
պատկերները ոսկա դրամի վրա (Ա դար)

- 31-րդ տարեթվով, այսինքն մ. թ. 621 թ.:
176. Դրախմա. Խոսրով Փարվեզի և ասորու-
շանի պատկերներով, թողարկված
Նախնականում արքայի գահակալու-
թյան 28-րդ տարում, այսինքն մ. թ. 619 թ.:
177. Դրախմա. նույն պատկերագրությամբ,
բայց փողերանոցի և տարեթվի ջնշված
արձանագրությամբ:

ԲՅՈՒՋԱՆԴԱԿԱՆ ԴՐԱՄՆԵՐ

Ո ս կ ի

178. Սեմիս. Մարցիանուս կայսեր և խա-
չակիր հաղթանակի պատկերներով,
թողարկված Կ. Պոլսում 450—457 թթ.:
179. Սոլիդ. Փոկաս կայսեր և խաչակիր
Վիկտորիայի պատկերներով, թողարկ-
ված Կ. Պոլսում 602—610 թթ.:
180. Սոլիդ. Կոնստանտ Երկրորդի և քրիս-
տոնական խաչի պատկերներով, թո-
ղարկված Կ. Պոլսում 641—668 թթ.:
181. Սոլիդ. Վասիլ Առաջին և Կոնստան-
տին Յոթերորդ կայսերի, ինչպես նաև
Հիսուս-Քրիստոսի պատկերներով, թո-
ղարկված Կ. Պոլսում 869—879 թթ.:
- 182—183. Նոմիզմա. Կոնստանտին Ծիրա-
նածին կայսեր և Հիսուս-Քրիստոսի
պատկերներով, թողարկված Կ. Պոլ-
սում 1025—1028 թթ.: Երկու հատ,
տարբեր փորագրության կմիքներով
դրվագված օրինակներ:
- 184—185. Սոլիդ. Կոնստանտին (ինն) Մո-
նոմախ կայսեր և Հիսուս-Քրիստոսի
պատկերով, թողարկված Կ. Պոլսում
1042—1055 թթ.: 2 հատ տարբեր կը-
միքներով դրվագված:
- 186—187. Սոլիդ. Կոնստանտին Ժ Դուկաս
կայսեր և Հիսուս-Քրիստոսի պատկեր-
ներով, ինչպես նաև նրանց անունների
հունատառ արձանագրություններով:
Հիսուս-Քրիստոսը ներկայացված է գա-
հին բազմած տեսքով, իսկ կայսրը՝
կանգնած, մի ձեռքին ինքնակալության
գավազանը բռնած, մյուսին՝ խաչա-
զարդ գունդը: Հատաձույլն ուռուցիկ ու
գոգավոր է: 12 հատ տարբեր կմիքնե-
րով դրվագված օրինակներ:
188. Սոլիդ. Ռոմանոս Դ կայսեր և նրա
կնոջ՝ Եվդոկիայի, ինչպես նաև գահա-
ժառանգների ու Հիսուս-Քրիստոսի
պատկերներով, որոնց շուրջ հունարեն
արձանագրված է նրանց անունները:
Դրամը մաշված է, եզրին ունի օղակ:
Թողարկվել է Կ. Պոլսում 1067—1071
թթ.:

199. Սոլիդ. Ռոմանոս Դ-ի, նրա կնոջ՝ Եվ-
դոկիայի, ինչպես նաև գահաժառանգ-
ների ու Հիսուս-Քրիստոսի պատկեր-
ներով, մանրամասնությամբ նման նա-
խորդին, բայց դրվագված տարբեր
փորագրության կմիքներով:
- 200—203. Սոլիդ. Միքայել Է Դուկասի և
Հիսուս-Քրիստոսի պատկերներով, նը-
րանց անունների հունարեն արձանա-
գրություններով: Հիսուս-Քրիստոսը
պատկերված է գահին բազմած, հան-
դիպահայաց տեսքով, իսկ Միքայելը՝
կիսանդրու չափով, խաչազարդ թա-
գով, ձեռքին ինքնակալության նշան-
ներ, նույնպես հանդիպահայաց: Թո-
ղարկվել է Կ. Պոլսում 1071—1078 թթ.:
Տարբեր կմիքներով դրվագված, չորս
հատ:
204. Սոլիդ. Ալեքսիոս Առաջին Կոմնենի-
ոս կայսեր և Հիսուս-Քրիստոսի պատ-
կերներով: Կայսրը ներկայացված է
ողջ հասակով կանգնած, իսկ Հիսուս-
Քրիստոսը՝ գահին բազմած տեսքով:
Պատկերների շուրջ՝ մաշված հունարեն
գրություններ: Դրամը թողարկվել է Կ.
Պոլսում 1081—1118 թթ.:
- 205—206. Սոլիդ. Հովհաննես Բ Կոմնենի-
ոս կայսեր և Հիսուս-Քրիստոսի պատ-
կերներով, նրանց անունների արձա-
նագրությամբ, թողարկված Կ. Պոլսում
1118—1143 թթ.: Երկու տարբեր փո-
րագրության կմիքներով դրվագված
օրինակներ:
207. Սոլիդ. Հովհաննես Բ Կոմնենիոս
կայսեր և Հիսուս-Քրիստոսի պատ-
կերներով ու մաշված արձանագրու-
թյամբ, թողարկված Կ. Պոլսում 1118—
1143 թթ.: Դրամը արտաքնապես ոսկե-
գծոված է, բայց հատաձույլը պղնձից
է:

Ա թ ա թ

- 208—209. Միլիարեսիա. Հերակլես կայսեր
և նրա գահաժառանգ Հերակլես-Կոս-
տանտինի պատկերներով, թողարկված
Կ. Պոլսում 610—640 թթ.: Տարբեր
փորագրության կմիքներով դրվագված,
երկու հատ:
- 210—211. Միլիարեսիա. Կոնստանտ Բ կայ-
սեր և քրիստոնական խաչի պատ-
կերներով, թողարկված Կ. Պոլսում
641—662 թթ.: Երկու հատ, տարբեր
փորագրության կմիքներով դրվագված:

Պ ղ ի ն ձ

212. Ֆոլիս. Յուստինիանոս Ա կայսեր
պատկերով և հունարեն խոշոր նշա-

նագրերով, թողարկված Կ. Պոլսում 527—565 թթ.:

213. Ֆոլիս. Յուստինուս և Սոֆիա կայսեր ու կայսրուհու պատկերներով, թողարկված Նիկոմեդիայում 565—578 թթ.:

214. Նույն պատկերագրությամբ, 40 ֆոլիս, բայց թողարկված Կ. Պոլսում 565—578 թթ.:

215. Նույն պատկերագրությամբ, բայց 20 ֆոլիս, թողարկված Թեսալոնիկայում 565—578 թթ.:

216. Ֆոլիս. Հերակլես կայսեր և նրա գահաժառանգի պատկերներով, թողարկված Կ. Պոլսում 610—614 թթ.:

217. Ֆոլիս. Թեոփիլոս կայսեր պատկերով և հունարեն արձանագրությամբ, թողարկված Կ. Պոլսում 829—832 թթ.:

218. Ֆոլիս. Լևոն Զ կայսեր պատկերով և հունարեն արձանագրությամբ, թողարկված Կ. Պոլսում 886—912 թթ.:

219—220. Ֆոլիս. Վասիլ Բ Բուղարասպան կայսեր և Հիսուս-Քրիստոսի պատկերներով և հունարեն արձանագրությամբ, թողարկված Կ. Պոլսում 976—1025 թթ.: Երկու հատ, տարբեր փորագրության կնիքներով դրվագված:

221—223. Ֆոլիս. Միքայել Դ կայսեր և Հիսուս-Քրիստոսի պատկերներով, ինչպես նաև նրանց անունների հունարեն արձանագրությամբ, թողարկված Կ. Պոլսում 1034—1041 թթ.: Երեք հատ, տարբեր փորագրության կնիքներով դրվագված օրինակներ:

224—226. Ֆոլիս. Կոնստանտին Թ Մոնոմախի, Հիսուս-Քրիստոսի և Տիրամոր պատկերներով, թողարկված Կ. Պոլսում 1042—1055 թթ.: Երեք հատ տարբեր կնիքներով դրվագված:

227—228. Ֆոլիս. Թեոդորա կայսրուհու ժամանակվա և Հիսուս-Քրիստոսի պատկերներով, թողարկված Կ. Պոլսում 1055—1056 թթ.: Երկու հատ, տարբեր կնիքներով դրվագված օրինակներ:

229—230. Ֆոլիս. Կոնստանտին Ժ Դուկասի, Հիսուս-Քրիստոսի և կայսրուհու՝ Եվդոկիայի պատկերներով, թողարկված Կ. Պոլսում 1059—1067 թթ.: Երկու հատ, տարբեր փորագրության կնիքներով դրվագված օրինակներ:

231. Ֆոլիս. Միքայել Է Դուկասի պատկերով և մաշված հունատառ արձանագրությամբ, թողարկված Կ. Պոլսում 1071—1078 թթ.:

ԱՐԱՔԱԿԱՆ ԽԱԼԻՖԱԹԻ ԴՐԱՄՆԵՐ

Ա. ՕՍՄԱՅԱՆ ՀԱՐՍՏՈՒԹՅՈՒՆ

Արծաթ

232. Դիրհեմ. Դուրամի 112 սուրահից և մահմեդականության բանաձևի առաջին մասից քաղված արձանագրությամբ, թողարկված Դիմեշքում (Դամասկոս) հիջրայի 85 թ.:

233. Դիրհեմ. Նույն արձանագրությամբ, բայց թողարկված Վասիտ քաղաքում հիջրայի 111 թ.:

Բ. ԱՐՔԱՍՅԱՆ ՀԱՐՍՏՈՒԹՅՈՒՆ

Արծաթ

234. Դիրհեմ. խալիֆ Ալ-Մահդիի անվան արձանագրությամբ, թողարկված Մեդինատ Աս-Սալամում հիջրայի 160 թ.:

235. Դիրհեմ. խալիֆ առ-Ռադի Բիլլահի անունով, թողարկված Մեդինատ Աս-Սալամում հիջրայի 302 թ.:

236—237. Դիրհեմ. նույն արձանագրություններով, բայց ջնջված տարեթիվով: Երկու հատ, տարբեր փորագրության կնիքներով դրվագված օրինակներ:

Պղինձ

238. Ֆելս. Էմիր Յագիտ Իբն Ուսայդի անունով, թողարկված Դվինում, հիջրայի 159 թ.:

239. Ֆելս. Ալ-Մահդի Մուհամեդի անունով, թողարկված Աղվանքում, խիստ մաշված արձանագրությամբ:

240. Ֆելս. մաշված արձանագրությամբ, թողարկված Աղվանքում Թ դարի ըսկզբին:

ՍԵԼՋՈՒԿՅԱՆ ԴՐԱՄՆԵՐ

Պղինձ

241. Ֆելս. Կիլիկ Ասլան Դ-ի պատկերով (ձիավոր) և նրա անվան արաբերեն արձանագրությամբ, թողարկված Իկոնիայում 1249—1265 թթ.:

242. Ֆելս. Աթաբեկ Շամս-ադ-դին Իլդեգիզի անվան արաբերեն արձանագրությամբ, թողարկված Ադրբեջանում 1137—1176 թթ.:

243—247. Ֆելս. Մուզաֆար-ադ-դին Կիզիկ Առալանի անվան արաբերեն արձանագրությամբ, թողարկված Ադրբեջանում 1187—1191 թթ.: Հինգ հատ տարբեր փորագրության կնիքներով դրվագված օրինակներ:

248. Ֆելս. Իլդեգիզյան Աթաբեկ Աբու-Բեք-

րի անվան արաբերեն արձանագրությամբ, թողարկված Ադրբեջանում 1195—1210 թթ.:

ՄՈՆՂՈՒԱԿԱՆ ԴՐԱՄՆԵՐ

Ա թ ա թ

- 249—250. Դիրհեմ. ուլգուրերեն և արաբերեն արձանագրություններով քրիստոնեական հավատի արաբատառ բանաձևով, ինչպես նաև խաչի նշանով, թողարկված Անդրկովկասում ԺԳ դարի վերջին: Երկու հատ, տարբեր փորագրության կնիքներով դրվագված օրինակներ:
- 251—252. Դիրհեմ. Հուլաղույան Անուշիրվան խանի անվան արաբերեն արձանագրությամբ, թողարկված Հայաստանում 1344—1354 թվերին: Երկու հատ, տարբեր փորագրության կնիքներով դրվագված օրինակներ:
253. Դիրհեմ. Հուլաղույան տիրակալության նշաններով, արաբերեն արձանագրու-

թյամբ, թողարկված Թավրիզում 14-րդ դարի առաջին կեսին:

Պ ղ ի ն ձ

- 254—255. Ֆելս. արաբերեն մաշված արձանագրություններով, առանց տարբերի և միապետի անվան հիշատակության, թողարկված Անդրկովկասում, 13-րդ դարի 60—70-ական թվականներին: Երկու հատ, տարբեր կնիքներով դրվագված օրինակներ:
256. Ֆելս. միապետի անվան ուլգուրերեն և քրիստոնեական հավատի արաբերեն արձանագրություններով, ինչպես նաև խաչի նշանով, թողարկված 13-դարի 80-ական թվականներին:
257. Ֆելս. Հուլաղույան Աբաղա խանի անունով, խիստ մաշված արձանագրություններով, թողարկված 1284—1290 թվերին:
258. Ֆելս. Հուլաղույան Աբու-Սաիդ խանի անունով, արաբերեն ջնջված արձանագրությամբ, թողարկված 1317—1335 թվերին:

(Ծառուհանյան)

